



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



RAPORTI IEKSPERTIT SHQYRTUES

Sahit Beqiri - Ekspert Shqyrtues <i>Beqiri</i>	Data e autorizimit të ekspertit: 10.01.2020	Data e dorëzimit të raportit: 15.01.2020	Nr. i lëndës: 975/19
---	---	--	----------------------

BAZA LIGJORE E SHQYRTIMIT

Me datën: 30.12.2019, grupi i OE: “AM Group” Shpk.; “AAB Construction” Shpk; “Mirusha Company” Shpk; NNSH “Ardi” - Suharekë, ka parashtruar ankesë me nr.:975/19, kundër B58 njoftimit mbi vendimin e AK, (njoftimit për dhënie të kontratës), ku është rekomanduar për kontratë grupin e OE: N.N.T. Etniku; KAG - Asphalt Company SH.P.K. - Suharekë, lidhur me aktivitetin e prokurimit: “Asfaltimi i rruges që lidhë fshatin Ngucat (Rruga Bashkim Gashi)-Lagjia Zekolli), Suharekë”, me nr. të prokurimit: 624-19-6384-5-1-1, iniciuar nga Autoriteti Kontraktues (AK): Komuna Suharekë.

Autoriteti kontraktues ka zbatuar procedurë e hapur, lloji i kontratës: Punë, vlera e parashikuar e kontratës: 700,000.00 €

Shënim: Ju njoftoj se lidhur me këtë aktivitet të prokurimit është nxjerr një (1) vendim nga OSHP-ja. Vendimi me Nr. 766/19, me datë 03.12.2019.

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE NGA OE: “AM Group” Shpk.; “AAB Construction” Shpk; “Mirusha Company” Shpk; NNSH “Ardi” - Suharekë

(Të përshkruhen dispozitat e shkelura dhe vetëm pikat e ankesës).

Neni 7 Barazia ne Trajtim/ Jo-Diskriminim

Neni 56 – Dispozitat e Përgjithshme mbi përzgjedhjen e pjesëmarrësve dhe dhënien e kontratave

Neni 59 - Ekzaminimi, Vlerësimi dhe Krahassimi i Tenderëve

Neni 60 – Kriteret për Dhënien e Kontratës

Neni 66 – Përshtatshmëria Profesionale

Neni 72 – Dokumentacioni dhe Informacioni Shtesë

Neni 108/A – Zgjedha Preliminare e mosmarrëveshjeve

Përmes platformës elektronike të KRPP-se njoftohemi mbi Vendimin e autoritetit kontraktues me dt. 11.10.2019, se për këtë aktivitet të prokurimit me titull: Asfaltimi i rrugës që lidhë fshatin Ngucat (Rruga Bashkim Gashi – Lagjia Zekolli) Suharekë, me numër të prokurimit: 624-19-6384-5-1-1, është shpallur fitues me çmimin e ofruar në vlerë prej 479,256.94 si ofertues me çmimin me të lire të ofruar grupi i operatoreve ekonomik NNT VEHA; “Euro Group” Shpk. Ne, në të njëjtën ditë jemi njoftuar nga AK me Letër standarde për tenderuesit e pasuksesshëm ngase çmimi i ofruar nga NE nuk ishte çmimi me të lire siç është kërkuar nga DT.

Po përmes platformës elektronike të KRPP-se njoftohemi mbi vendimin tjetër të autoritetit kontraktues me dt. 11.10.2019 mbi pezullimin e aktivitetit të prokurimit ngase ka pasur ankesë nga një OE.

Me dt. 12.12.2019 po përmes platformës elektronike njoftohemi mbi vendimin e Ri-vlerësimit të aktivitetit të prokurimit dhe shpalljes fitues të OE NNT Etniku; KAG – Asphalt Company Shpk, me çmimin të ofruar prej 628,713.80 euro, dhe ne të njëjtën ditë njoftohemi me letër standarde për tenderuesin e eliminuar me Arsyetimin: Tenderi juaj është refuzuar për këto arsye – Kërkesat mbi mundësit teknike dhe/ose profesionale / Ju mungojnë dëshmia për projekte të ngjashme siç është kërkuar, kontrata dhe referenca si dhe ju mungojnë dëshmitë për staf profesional siç është kërkuar me FDT.

Ju njoftojmë se me procesin e Rivlerësimit AK ka bere shkelje te LPP-se te të gjitha neneve te cekura me larte ku është shpallur fitues OE me çmimin me te shtrenjte te ofruar ngase Ne kemi kontrolluar edhe njëherë të gjitha dokumentet e dorëzuara dhe neve na rezulton se ne i plotësojmë të gjitha kriteret e kërkuara ne DT.

Kërkojmë nga Ju bëni anulimin e njoftimit mbi vendimin e AK te datës 12.12.2019 dhe letrës standarde te dt. 12.12.2019 dhe Ne te shpallemi fitues me çmimin me te ulet nga operatoret e përgjegjshëm për tenderin ne fjalë.

Pretendimet ankimore të parashtruara në ankesën e deponuar në OSHP, janë të njëjta me kërkesën për rishqyrtim pran autoritetit kontraktues.

KRITERET PËR VLERËSIM

(Të vendosen vetëmkërkesa/kriteret qëkanë të bëjnë me arsyet e eliminimit dhe / apo ato kërkesaqë lidhen me pretendimet ankimore).

III.2.4) Kapaciteti teknik dhe profesional

Kapaciteti teknik dhe profesional:

Dëshmia e kërkuar dokumentare

Kërkesat:

Kërkesa1- Operatori Ekonomik duhet të ofrojë dëshmi se ka realizuar projekte të ngjashme, në tre vitet e shkuara nga data e publikimit të njoftimit për kontratë në vlerën prej se paku 1.000.000,00 euro, ku përfshihen titujt e projekteve, vlera, numri, data e kontraktimit DHE dëshmi për përfundimin me suksese të këtyre projekteve.

Kërkesa2 -Kualifikimet shkollore dhe profesionale të personelit udhëheqës të operatorit ekonomik, në veçanti të personit ose personave që drejtpërdrejt është ose janë përgjegjës për realizimin e projektit. Stafi i kualifikuar në fushën perkatese, se paku 2.1.Menaxher i projektit - Inxhinier i dip. i ndërtimtarisë, drejtimi Infrastruktura rrugore ose master drejtimi Infrastruktura rrugore, me se paku 3 vite përvojë punë pas diplomimit. 2.2.Inxhinier i dip. i ndërtimtarisë, drejtimi konstruktive ose master drejtimi drejtimi konstruktive, me se paku 3 vite përvojë pune pas diplomimit dhe te jete i certifikuar me IWS ose ekuivalente. 2.3.Inxhinier i diplomuar i gjeodezisë me tri vite përvojë pune pas diplomimit ose Bachelor i diplomuar i gjeodezisë me pesë vite përvojë pune pas diplomimit dhe te jete i Licensuar si gjeodet.

Evidencat:

Dëshmia1 -Te dorëzoni listën në origjinal e vulosur dhe nënshkruar, të projekteve të ngjajshme të realizuara në tre vitet e shkuara nga data e publikimit të njoftimit për kontratë, DHE dëshmitë e përfundimit Referenca t ose procesverbali et e pranimit teknik.

Dëshmia2 - Kontratat e punës ose mareveshjet me inxhinierin at, Diploma e NOTERIZUAR dhe nga një CV. Per stafin qe eshte kerkuar te jete i Licensuar te ofrohet edhe licensa.

S.B

RAPORTI I KOMISIONIT VLERËSUES

Duke u bazuar në raportin e vlerësimit, komisioni vlerësues ka konstatuar si në vijim:

(Të përshkruhet vlerësimi i ofertës së OE ankues/ofertave, për të cilat OE ankues ka pretendime ankimore).

Komisioni pasi vlerësoi ofertat dhe duke u bazuar në vendimin e OSHP nr.766/19 rekomandon ZP që fitues të shpallet Grupi i OE NNT ETNIKU & KAG ASPHALT shpk, me çmimin me të lire prej: 628.713,80 euro

INFORMACIONET SHITESË TË MARRA ME ANË TË SQARIMEVE TË KERKUARA NGA ANA E EKSPERTËVE SHQYRTUES

///

VLERËSIMI SIPAS NENIT 4.1.26 TË LPP-së

(Të jepet një vlerësim se OE ankues është apo nuk është palë me interes sipas nenit 4.1.26).

///

VENDIMET E MËPARSHMETË PSH-së LIDHUR ME RASTET E NGJASHME

(Të sqarohet nëse për rastin e njëjtë është dhënë vlerësim tjetër).

///

ARSYETIMI PËR DEVIJIM NGA PRAKTIKA E MËPARSHME

(Të sqarohet për rastin se pse është devijuar nga praktika e mëparshme).

///

PËRGJIGJE NË PRETENDIMET ANKIMORE TË OE ANKUES: “AM Group” Shpk.; “AAB Construction” Shpk; “Mirusha Company” Shpk; NNSH “Ardi” - Suharekë

- Eksperti shqyrtues, pas ekzaminimit të dosjes së tenderit, shqyrtimit të rrjedhës së procedurës së tenderimit dhe pretendimeve të palës në ankesë sqaron me sa vijon:

Përgjigje në Pretendimi Nr. 1

Lidhur me pretendimin e operatorit ekonomik ankues, se autoriteti kontraktues, nuk ka respektuar nenin 7, 56, 59, 60, 66, 72 dhe 108/A të LPP-së, dhe jemi njoftohemi me letër standarde për tenderuesin e eliminuar me Arsyetimin: Tenderi juaj është refuzuar për këto arsye – Kërkesat mbi mundësit teknike dhe/ose profesionale / Ju mungojnë dëshmia për projekte të ngjashme siç është kërkuar, kontrata dhe referenca si dhe ju mungojnë dëshmitë për staf profesional siç është kërkuar me FDT. Andaj, me procesin e Rivlerësimit AK ka bere shkelje te LPP-se te të gjitha neneve te cekura me lartë ku është shpallur fitues OE me çmimin më të shtrenjtë të ofruar ngase, Ne kemi kontrolluar edhe njëherë të gjitha dokumentet e dorëzuara dhe neve na rezulton se ne i plotësojmë të gjitha kriteret e kërkuara ne DT.

Eksperti shqyrtues sqaron, se duke u bazuar në analizën e fakteve/dëshmive të dokumentuara në platformën elektronike e-prokurim, rrjedhën dhe analizën procedurës së prokurimit, OE ankues tek deklarata detale mbi faktet dhe argumentet nuk ka sqaruar se cilat janë ato kontrata të prezantuar në listën e kontratave dhe stafit që e plotësojnë kërkesën e autoritetit kontraktues (duke përshkruar në mënyrë të detajuar), por vetëm thotë, po citoj: “Ne kemi kontrolluar edhe një herë të gjitha dokumentet e dorëzuara dhe neve na rezulton se ne i plotësojmë të gjitha kriteret e kërkuara ne DT”. Andaj duke pasur se këto pretendime ankimore janë trajtuar/shqyrtuar me parë në vendimin e OSHP-së me Nr. 766/19, të datës 03.12.2019 dhe konsideroj si çështje të gjykuara “Res Judicata”, andaj nuk janë trajtuar nga eksperti shqyrtues.

MENDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e grupit të OE ankues të refuzohet e pa bazuar, dhe rekomandon që të mbetet në fuqi njoftimi mbi vendimin e autoritetit kontraktues.

Raporti i ekspertizës ti dorëzohet:

- *Autoritetit Kontraktues* – *Komuna Suharekë*
- *Panelit Shqyrtues* – *OSHP*
- *Grupi i OE ankues* – *“AM Group” Sh.p.k.; “AAB Construction” Sh.p.k.; “Mirusha Company” Sh.p.k.; NNSH “Ardi” - Suharekë*